

4 Nōku te ao

Mahere wātū

Ngā karere matua

- Āwhina ai ngā mōhiohio kia pai ake aku whakataua mō tōku aramahi.
- Mā te patapatai e nui ake ai taku mōhio ki ngā kōwhiringa aramahi māku.

Te raupapa wātū

1. Tikina ake me te whakaatu i ngā pānui whakaahua taiopenga Karahipi mō Te Matatini, Te Whakataetae Waka Ama ā-Motu me Ngā Manu Kōrero ā-Motu i ngā wāhi rerekē o te akomanga.
2. Kī atu ki ngā rangatahi kua whakawhiwhia ki a rātou he karahipi mō te tae atu ki tētahi o aua whakataetae e toru nā tō rātou anō ū mō ō rātou anō parapara. Tonoa rātou kia tū ki te taha o te pānui whakaahua taiopenga karahipi e hiahia ana ia kia whakaaetia e rātou, arā, Te Matatini, Te Whakataetae Waka Ama ā-Motu, ā Manu Kōrero ā-Motu rānei.
3. Kī atu ki ngā rangatahi ka hoatu koe i ētahi anō mōhiohio mō ngā whakataetae e toru. Nā runga i taua mōhiohio ka kahirua pea ō rātou whakaaro mō te karahipi hei whakaaetanga mā rātou me te neke atu pea ki tētahi atu pānui whakaahua taiopenga.
4. Whakamahia ngā pitopito mōhiohio taiopenga karahipi e ono i roto i te rauemi kaiārahi. Taki hoatu ā-raupapa ki ngā rangatahi ngā pito kōrero mō ngā taiopenga e toru. Ka āhei rātou te neke ki tētahi atu pānui whakaahua taiopenga ina pīrangī rātou.
5. Whiwhi kau ana ngā rangatahi ki ngā pito kōrero e ono tonoa rātou kia hoki atu ki ō rātou tūru me te kōrerorero i ēnei pātai.
 - Tokohia koutou kua kahirua ngā whakaaro mō tō koutou taiopenga karahipi?
 - Nā ēhea momo mōhiohio ō whakaaro i kahirua?
 - He aha tā tēnei ngohe e miramira ai mō te hira o te whai mōhiotanga ina whakataua?
 - Ka pēhea pea te rite o te kōwhiri taiopenga karahipi ki te whakataua i te aramahi?
 - He aha ngā momo mōhiohio e hiahia ana koe kia mōhio ina whakataua?
 - Me rapu i hea ngā mōhiohio hei āwhina i a koe?

Ngā āheinga aramahi matua

Whakaatu pūkenga mō te rapu me te mātau ki ngā mōhiohio aramahi, me te whakamahi i aua mōhiohio.

Ngā pātai matua

He pātai āu mō ngā aramahi e aro ai koe?

Me rapu i hea ngā mōhiohio mō ngā aramahi e aro ai koe?

Ngā rauemi tautoko

Kaiārahi PowerPoint 4

Rauemi kaiārahi: Ngā mōhiohio taiopenga karahipi

Ngohe rangatahi: Ngā pānui whakaahua taiopenga karahipi
Mōhiohio aramahi Tahatū

Roanga

40-50 meneti

4 Nōku te ao

Rauemi kaiārahi: Ngā mōhiohio taiopenga karahipi

Taiopenga karahipi	Te Matatini	Te Whakataetae Waka Ama ā-Motu	Ngā Manu Kōrero ā-Motu
Whare noho	Wharenoho mō ngā tāngata tipu haere	Whaitua noho, e rua poraka te tawhiti i te taiopenga	Hōtera whetū-rima e pātata ana ki te taiopenga
Te haere tahi me	Te whānau, ngā hoa me te iwi	He karapu hākinakina me ngā whānau	He kura, he hoa me te kaiako Māori
Kei roto ko	He tīkiti koreutu ki te whare pupuri taonga o te takiwā	He tīkiti waka rerenga koreutu	He tīkiti koreutu ki tētahi kōnohete, ki muri hoki o te atamira hei tūtaki ki ngā hautipua
Te ū	Ngā noho wānanga i ia wīkene mō te toru marama, te mahi whakaharatau i tētahi ahiahi pō i te wiki Kia tutuki tonu ngā mahi kura katoa	Kia noho pakari tonu te tinana, me whakaharatau i te 6am i ia rā wiki, i ētahi Rātapu anō hoki, mō te 8 wiki Kia tutuki tonu ngā mahi kura katoa	Me noho pūmau ki ngā mahi rangahau, tuhituhi me te whakaharatau i muri kura i ngā rā e toru i te wiki te 8 wiki te roa. I te wiki kotahi ki mua me whakaharatau rawa i ia rā, me te rā hoki i mua i tō whaikōrero ki tō kura
Ngā pūkenga	Ngā wheako kapa haka pēnei i te waiata, poi, haka, mahi ā-rōpū, me te whakawhitiwhiti kōrero	Te tino pakari o te tinana, te mahi tahi hei rōpū, te whakawhitiwhiti kōrero, te noho māia i rō wai	Te whakawhitiwhiti kōrero, te reo Māori, te tiritiri i ō whakaaro ki ngā kaupapa, te whakaaweawe i ō te tangata whakaaro me ana whakatau
Te whakapau moni	NZ\$500 ki te tonoa mā te imēra ki te puka whaimana	NZ\$50 i te rā mō te roanga o ngā Whakataetae ā-Motu	NZ\$80 i te rā mō te roanga o ngā Whakataetae ā-Motu